

HOLY SEE PRESS OFFICE
OFICINA DE PRENSA DE LA SANTA SEDE



BUREAU DE PRESSE DU SAINT-SIEGE
PRESSEAMT DES HEILIGEN STUHLIS

BOLLETTINO

SALA STAMPA DELLA SANTA SEDE

N. cart

Sábado 19.05.2018

Carta del Santo Padre al enviado especial a la celebración del séptimo centenario de la consagración del Santuario de "Nuestra Señora de la Justicia y del Amor social" (Piekary Śląskie, archidiócesis de Katowice, 27 de Mayo, 2018)

El 24 de marzo de 2018, el Santo Padre nombró a S.E. el cardenal Zenon Grocholewski, prefecto emérito de la Congregación para la Educación Católica, como su enviado especial a la celebración del séptimo centenario de la consagración del Santuario de "Nuestra Señora de la Justicia y del Amor Social", situado en la ciudad de Piekary Śląskie, archidiócesis de Katowice (Polonia), que tendrá lugar el 27 de mayo de 2018.

El enviado especial estará acompañado por una misión pontificia compuesta por los siguientes eclesiásticos:

- Rev.do Mons Władysław Nieszporek, párroco de *Santa María Virgen y San Bartolomé Apóstol*, desde hace 20 años rector y custodio del santuario de "Nuestra Señora de la Justicia y del Amor Social" y decano del Decanato de Katowice occidental.

- Rev.do Don Damian Wojtyczka, párroco de *San Adalberto en Radzionkow*, decano del Decanato de Piekary Śląskie.

Publicamos a continuación la Carta del Santo Padre Francisco a S.E. el cardenal Zenon Grocholewski.

Carta del Santo Padre

Venerabili Fratri Nostro

ZENONI S.R.E. Cardinali GROCHOLEWSKI

Praefecto Emerito Congregationis de Institutione Catholica

Ad sanctitatem adhortantes omnes Christifideles cotidiana in vita consequendam, laetanter hos eventus

per orbem prosequimur, qui tali alto proposito favere possunt. Placet Nobis sanctitatem conspiciere in Dei populo: in pueris et adolescentibus gratis ac oboedientibus, in parentibus amanter filios educantibus, in operariis negotia sua honeste explentibus, in senioribus devote et laeto animo viventibus (cfr *Gaudete et exsultate*, 7).

Nuper autem relatum est Nobis de Sanctuario BMV Matris Iustitiae et Amoris Socialis in *Piekary Śląskie*, in Silesia, quod ad praesidium Matris Dei exposcendum per saecula multi fideles petunt. Venusta ibidem est imago Matris Mirabilis, saeculo XIV iam venerata, quam et Decessores Nostri magni aestimabant: Pius XI, populi Silesiani sincerus amicus, anno MCMXXV aureas coronas eidem concessit; sanctus Ioannes Paulus II, qui uti cardinalis saepe illam invisit, anno MCMLXXXIII coram mira hac imagine sanctam Missam celebravit, innumerabili adstante credentium multitudine.

Revera, inter eos qui ibidem oraverunt annumerare oportet Ioannem III Sobieski, Regem Poloniae, qui a Salvatoris Matre tutum auxilium efflagitavit ad christianitatem a Turcis apud Vindobonam defendendam; inde eximium presbyterum Ioannem Aloisium Ficek, illic parochum, qui fidem catholicam, Patriae dilectionem ac sobrietatem in populo roboravit; Servum Dei Augustum S.R.E. Cardinalem Hlond, qui olim primus fuit Episcopus Katovicensis; recentiore verum difficilique tempore Excellentissimum Dominum Heribertum Bednorz, Episcopum Katovicensem, intrepidum et actuosum Pastorem, qui hoc in Sanctuario fidelium agmina congregabat, de recta christiana vita docebat ac diem dominicam a labore servandam Deoque sanctificandam defendebat.

Cum autem a consecratione memorati Sanctuarii iam septem saecula elapsi sint, decet tam felicem eventum commemorari, Deo Patri gratias agere pro caelestis Matris patrocinio ac pro futuro tempore suppliciter orare ut laboriosum, nobilem ac devotum Silesianum populum gratia sua benigne servare et augere dignetur. Quapropter libenter accepimus sincera vota Venerabilis Fratris Victoris Skworc, Archiepiscopi Metropolitae Katovicensis, ut in urbem *Piekary Śląskie* Legatum Nostrum mitteremus, qui partes Nostras ageret. Quam Legationem Tibi, Venerabilis Frater Noster, Congregationis de Institutione Catholica Praefecto Emerito, fidenter committendam esse arbitrati sumus, persuasum sane habentes Te hoc munus diligenter expleturum, quare hisce Litteris Te **Nostrum Missum Extraordinarium** nominamus ad dictam celebrationem.

Liturgicis actionibus Nostro nomine praesidebis memorato in Sanctuario – quod Nobis est admodum carum quia plus quam centum annos Societatis Iesu sodales olim ibidem ministerium praestiterunt – fidelesque adstantes humaniter salutabis in ultima die dominica mensis Maii, quo die plus quam septuaginta superiores iam annos Silesiae catholici viri turmatim coram Dei Matre congregantur qui, saepe pedibus peregrinantes et orantes, ita fidem et pietatem suam testantur, cum Christo et Ecclesia nexum usque firmiorem reddunt filiisque spiritualia bona colenda tradunt.

Servus Dei Stephanus S.R.E. Cardinalis Wyszyński iure asserebat sine iustitia non esse veram pacem nec amorem sociale. At christiani semper recordari debent pro aeterna salute necessarium esse misericordiam exercere et veniam dare: utraque enim constituit verae christianae fidei indicium, sicut Dominus ipse pluries nos docuit. Ideoque Beata Maria Virgo omnino recte Mater Iustitiae et Amoris Socialis invocatur simulque Mater Misericordiae proclamatur. Hortaberis igitur audientes Christifideles, ut ad instar Iesu Christi eiusque Matris *sobrie et iuste et pie vivant in hoc mundo* (cfr *Tit* 2,12), iniurias cunctis dimittant et caritatis opera exercent.

In hac ergo honorifica explenda missione Nostram ad mentem illustrabis eventus illius momentum, caritatem Nostram testaberis erga hanc dilectam communitatem. Nos vero, dum pro Nobis preces exposcimus, Benedictionem Apostolicam tibi imprimis impertimus, quam volumus nomine Nostro adstantibus Pastoribus, fidelibus, civilibus auctoritatibus cunctisque iubilaris celebrationis participantibus largiter communices.

Ex Aedibus Vaticanis, die XXIII mensis Aprilis, anno MMXVIII, Pontificatus Nostri sexto.

FRANCISCUS
